

**POBJEDA-RUDET d.d. Goražde**

Finansijski izvještaji za godinu koja je  
završila 31. decembra 2015.

i izvještaj nezavisnog revizora

## Sadržaj

	<i>Stranica</i>
Odgovornost za finansijske izvještaje	1
Izvještaj nezavisnog revizora	2 - 3
Izvještaj o bilansu usjeha i ostaloj sveobuhvatnoj dobit	4
Izvještaj o finansijskom položaju	5
Izvještaj o promjenama na kapitalu	6
Izvještaj o novčanim tokovima	7
Napomene uz finansijske izvještaje	8 - 26

## Odgovornost za finansijske izvještaje

Temeljem Zakona o računovodstvu i reviziji u Federaciji Bosne i Hercegovine ("Službene novine Federacije Bosne i Hercegovine", broj 83/09), Uprava je dužna osigurati da finansijski izvještaji za svaku finansijsku godinu budu pripremljeni u skladu sa računovodstvenim propisima primjenjivim u Federaciji Bosne i Hercegovine („Federacija“). Računovodstveni propisi primjenjivi u Federaciji temelje se na odredbama Zakona o računovodstvu i reviziji prema kojima društva svoje finansijske izvještaje sastavljaju i objavljuju u skladu s Međunarodnim računovodstvenim standardima („MRS“), njihovim dopunama i tumačenjima, te Međunarodnim standardima finansijskog izvještavanja („MSFI“) i njihovim dopunama i tumačenjima koje je izdao Odbor za Međunarodne standarde i koji su prevedeni od strane Saveza računovođa, revizora i finansijskih djelatnika u Federaciji Bosne i Hercegovine. Odluka o objavi standarda broj O-1/4-2010 od 28. aprila 2010. godine je obavezujuća za periode koji počinju od 1. januara 2010. godine.

Nakon provedbe odgovarajućeg istraživanja, Uprava opravdano očekuje da će Društvo u dogledno vrijeme raspolagati odgovarajućim resursima. Iz tog razloga Uprava i dalje usvaja načelo vremenske neograničenosti poslovanja pri sastavljanju finansijskih izvještaja.

Odgovornosti Uprave pri izradi finansijskih izvještaja obuhvataju sljedeće:

- odabir i dosljednu primjenu odgovarajućih računovodstvenih politika;
- davanje opravdanih i razboritih prosudbi i procjena;
- postupanje u skladu s važećim računovodstvenim standardima, uz objavu i obrazloženje svih materijalno značajnih odstupanja u finansijskim izvještajima; i
- sastavljanje finansijskih izvještaja pod pretpostavkom vremenske neograničenosti poslovanja, osim ako pretpostavka da će Društvo nastaviti poslovanje nije primjerena.

Uprava je odgovorna za vođenje odgovarajućih računovodstvenih evidencija, koje u svakom trenutku s opravdanom tačnošću prikazuju finansijski položaj Društva. Također, Uprava je dužna pobrinuti se da finansijski izvještaji budu u skladu sa Zakonom o računovodstvu i reviziji u Federaciji Bosne i Hercegovine. Pored toga, Uprava je odgovorna za čuvanje imovine Društva, te za poduzimanje opravdanih koraka za sprječavanje i otkrivanje prevare i drugih nepravilnosti.

Za i u ime Društva,



Muhammed Hubanić, direktor

Pobjeda-Rudet d.d.

Višegradska b.b.,

73 000 Goražde

Bosna i Hercegovina

17. maj 2016. godine

## Izveštaj nezavisnog revizora

### **Vlasnicima Pobjeda-Rudet d.d. Goražde:**

Obavili smo reviziju priloženih finansijskih izvještaja Pobjeda-Rudet d.d. (u daljem tekstu „Društvo”), prikazanih na stranicama 4 do 26, koji se sastoje od izvještaja o finansijskom položaju na dan 31. decembra 2015. godine, izvještaja o bilansa uspjeha i ostaloj sveobuhvatnoj dobiti, izvještaja o promjenama na kapitalu i izvještaja o novčanim tokovima za godinu koja je tada završila, te sažetog prikaza značajnih računovodstvenih politika i drugih napomena uz finansijske izvještaje.

#### *Odgovornost Uprave za finansijske izvještaje*

Uprava je odgovorna za pripremanje i fer prezentovanje priloženih finansijskih izvještaja u skladu sa zakonskim okvirom finansijskog izvještavanja u Federaciji Bosne i Hercegovine, kao i za one interne kontrole koje Uprava smatra neophodnim za pripremanje finansijskih izvještaja koji ne sadrže materijalno značajne pogreške, bilo zbog prevare ili grešaka.

#### *Odgovornost revizora*

Naša je odgovornost izraziti nezavisno mišljenje o priloženim finansijskim izvještajima na temelju naše revizije. Reviziju smo obavili u skladu sa Međunarodnim revizijskim standardima. Navedeni standardi zahtijevaju da se ponašamo u skladu sa etičkim principima te reviziju planiramo i obavimo na način da dobijemo razumno uvjerenje da finansijski izvještaji ne sadrže materijalno značajne pogreške.

Revizija uključuje primjenu postupaka kojima se prikupljaju revizijski dokazi o iznosima i drugim podacima objavljenim u finansijskim izvještajima. Odabir postupaka zavisi od prosudbi revizora, uključujući i procjenu rizika materijalno značajnog pogrešnog prikaza finansijskih izvještaja, bilo kao posljedica prevare ili pogreške. U procjenjivanju rizika, revizor procjenjuje interne kontrole koje su relevantne za sastavljanje te objektivno prezentiranje finansijskih izvještaja kako bi odredio revizijske postupke primjerene datim okolnostima, a ne kako bi izrazio mišljenje o učinkovitosti internih kontrola u Društvu. Revizija također uključuje i ocjenjivanje primjerenosti primijenjenih računovodstvenih politika te značajnih procjena Uprave, kao i prikaza finansijskih izvještaja u cjelini.

Uvjereni smo da su revizijski dokazi koje smo prikupili dostatni i primjereni kao osnova za izražavanje našeg mišljenja.

*Mišljenje*

Po našem mišljenju, finansijski izvještaji prikazuju objektivno, u svim materijalno značajnim stavkama, finansijski položaj Društva na dan 31. decembar 2015. godine, te rezultat njegovog poslovanja i njegove novčane tokove za godinu koja je tada završila, u skladu sa zakonskim okvirom finansijskog izvještavanja u Federaciji Bosne i Hercegovine.

*Ostale činjenice*

Finansijske izvještaje Društva za godinu koja je završila 31. decembra 2014. revidirao je drugi revizor koji je izrazio nemodificirano mišljenje na te izvještaje dana 6. marta 2015. godine.

**Deloitte d.o.o.**

Sead Bahtanović, direktor i ovlašteni revizor



Sarajevo, Bosna i Hercegovina

17. maj 2016. godine



Sabina Softić, partner i ovlašteni revizor



Pobjeda-Rudet d.d. Goražde

Izveštaj o bilansu uspjeha i ostaloj sveobuhvatnoj dobiti  
za godinu koja je završila 31. decembra 2015.

(Svi iznosi su izraženi u hiljadama KM, osim ukoliko nije drugačije naznačeno)

	Napomena	2015.	2014.
Prihodi od prodaje	4	9.758	10.297
Ostali operativni prihodi	5	304	303
<b>Ukupni operativni prihodi</b>		<b>10.062</b>	<b>10.600</b>
Operativni rashodi	6	(6.505)	(6.160)
Materijal		(2.843)	(3.422)
Amortizacija		(508)	(479)
Ostali operativni rashodi	7	(148)	(141)
Nabavna vrijednost prodane robe		(76)	(57)
Promjene u zalihama gotovih proizvoda i proizvodnje u toku		425	1.124
<b>Ukupni operativni rashodi</b>		<b>(9.655)</b>	<b>(9.135)</b>
Finansijski prihodi	8	40	72
Finansijski rashodi		(3)	(9)
Kursne razlike, neto		3	1
<b>Dobit prije oporezivanja</b>		<b>447</b>	<b>1.529</b>
Porez na dobit	9	-	-
<b>Neto dobit</b>		<b>447</b>	<b>1.529</b>
Ostala sveobuhvatna dobit		42	162
<b>Ukupna sveobuhvatna dobit</b>		<b>489</b>	<b>1.691</b>
<b>Dobit po dionici u KM</b>	10	<b>1,39</b>	<b>4,76</b>

Napomene u nastavku čine sastavni dio finansijskih izvještaja.

Pobjeda-Rudet d.d. Goražde  
Izveštaj o finansijskom položaju  
Na dan 31. decembra 2015.

(Svi iznosi izraženi su u hiljadama KM, osim ukoliko nije drugačije naznačeno)

	Napomena	31. decembar 2015.	31. decembar 2014.
<b>IMOVINA</b>			
<b>Dugotrajna imovina</b>			
Materijalna i nematerijalna imovina	11	6.937	6.323
Avansi za stalna sredstva		339	177
Ulaganja	12	123	123
Finansijska imovina koja se drži do dospelosti	13	678	594
Finansijska imovina raspoloživa za prodaju	14	2.956	2.629
		<b>11.033</b>	<b>9.846</b>
<b>Kratkotrajna imovina</b>			
Sredstva namjenjena prodaji		31	31
Avansi za zalihe		6	54
Zalihe	15	4.850	4.237
Potraživanja od kupaca i ostala potraživanja	16	3.432	3.612
Novac i novčani ekvivalenti	17	1.620	2.094
		<b>9.939</b>	<b>10.028</b>
<b>UKUPNA IMOVINA</b>		<b>20.972</b>	<b>19.874</b>
<b>KAPITAL I OBAVEZE</b>			
<b>Kapital i rezerve</b>			
Vlasnički kapital	18	6.977	6.977
Rezerve		8.975	8.975
Nerealizovana dobit od dionica		543	501
Akumulirana dobit		1.976	1.529
		<b>18.471</b>	<b>17.982</b>
<b>Kratkoročne obaveze</b>			
Obaveze za kredite	19	-	81
Obaveze prema dobavljačima i ostale obaveze	20	2.501	1.811
		<b>2.501</b>	<b>1.892</b>
<b>UKUPNO KAPITAL I OBAVEZE</b>		<b>20.972</b>	<b>19.874</b>

Napomene u nastavku čine sastavni dio finansijskih izvještaja.

Potpisano za i u ime Društva dana 17. maj 2016. godine:



Muhamed Hubanić  
Direktor

Pobjeda-Rudet d.d. Goražde

Izveštaj o promjenama na kapitalu  
za godinu koja je završila 31. decembra 2015.

(Svi iznosi izraženi su u hiljadama KM, osim ukoliko nije drugačije naznačeno)

	Osnovni kapital	Zakonske rezerve	Nerealizovani dobici iz osnovna vrednovanja dionica	Akumulirana dobit	Ukupno
<b>Stanje na 31. decembar 2013.</b>	<b>6.977</b>	<b>7.004</b>	<b>339</b>	<b>2.807</b>	<b>17.127</b>
Isplata dividende	-	-	-	(836)	(836)
Dobici iz osnovna dionica BOR banke (Napomena 14.)	-	-	162	-	162
Raspodjela dobiti	-	1.971	-	(1.971)	-
Neto dobit tekuće godine	-	-	-	1.529	1.529
Ostala sveobuhvatna dobit	-	-	-	-	-
<i>Ukupna sveobuhvatna dobit</i>	-	-	162	1.529	1.691
<b>Stanje na 31. decembar 2014.</b>	<b>6.977</b>	<b>8.975</b>	<b>501</b>	<b>1.529</b>	<b>17.982</b>
Dobici iz osnovna dionica BOR banke (Napomena 14.)	-	-	42	-	42
Neto dobit tekuće godine	-	-	-	447	447
Ostala sveobuhvatna dobit	-	-	-	-	-
<i>Ukupna sveobuhvatna dobit</i>	-	-	42	447	489
<b>Stanje na 31. decembar 2015.</b>	<b>6.977</b>	<b>8.975</b>	<b>543</b>	<b>1.976</b>	<b>18.471</b>

Napomene u nastavku čine sastavni dio finansijskih izvještaja.



Pobjeda-Rudet d.d. Goražde  
Izveštaj o novčanim tokovima  
za godinu koja je završila 31. decembra 2015.

(Svi iznosi izraženi su u hiljadama KM, osim ukoliko nije drugačije naznačeno)

	2015.	2014.
<b>Poslovne aktivnosti</b>		
Dobit prije oporezivanja	447	1.529
<i>Usklađenje za:</i>		
Amortizacija	508	479
(Dobici) / gubici od prodaje nekretnina, postrojenja i opreme	(13)	13
Umanjenje potraživanja od kupaca	4	8
Naplaćena otpisana potraživanja	(61)	(7)
Manjak zaliha, neto	2	-
Usklađivanje fer vrijednosti investicija	(84)	(69)
Otpis obaveza	(1)	(47)
Prihod od dividendi	-	(27)
Prihodi od kamata priznat u izvještaju o bilansu uspjeha i ostaloj sveobuhvatnoj dobiti	(37)	(63)
<i>Novčani tok iz poslovanja prije promjena u obrtnom kapitalu</i>	765	1.816
Povećanje zaliha, neto	(567)	(1.261)
Smanjenje / (povećanje) potraživanja od kupaca i ostalih potraživanja	237	(219)
Povećanje obaveza prema dobavljačima i ostalih obaveza	691	452
<b>Neto gotovina iz operativnih aktivnosti</b>	<b>1.126</b>	<b>788</b>
<b>Ulagačke aktivnosti</b>		
Nabavka nekretnina, postrojenja i opreme	(1.122)	(438)
Avansi dati za nabavku stalnih sredstava	(162)	(21)
Prilivi od kamata	37	63
Prilivi od prodaje nekretnina, postrojenja i opreme	13	8
Prilivi od dividendi	-	27
Povećanje ulaganja	(285)	(1.100)
<b>Neto gotovina korištena u ulagačkim aktivnostima</b>	<b>(1.519)</b>	<b>(1.461)</b>
<b>Finansijske aktivnosti</b>		
Smanjenje primljenih kredita	(81)	(158)
Isplate dividendi	-	(836)
<b>Neto gotovina korištena u finansijskim aktivnostima</b>	<b>(81)</b>	<b>(994)</b>
<b>Neto smanjenje gotovine i ekvivalenta gotovine</b>	<b>(474)</b>	<b>(1.667)</b>
<b>Gotovina i ekvivalenti gotovine na početku godine</b>	<b>2.094</b>	<b>3.761</b>
<b>Gotovina i ekvivalenti gotovine na kraju godine</b>	<b>1.620</b>	<b>2.094</b>

Napomene u nastavku čine sastavni dio finansijskih izvještaja

## Pobjeda-Rudet d.d. Goražde

### Napomene uz finansijske izvještaje za godinu koja je završila 31. decembra 2015.

(Svi iznosi izraženi su u hiljadama KM, osim ukoliko nije drugačije naznačeno)

---

#### 1. OPŠTI PODACI

Pobjeda-Rudet d.d. ("Društvo") je dioničko društvo registrovano u Federaciji Bosne i Hercegovine sa adresom Višegradska bb, 73 000 Goražde. Inicijalno je Društvo osnovano 1952. godine i ima drugu tradiciju u proizvodnji inicirajućih sredstava za razne komercijalne svrhe, koja ima velike tehnološke i proizvodne mogućnosti. Nakon proteklog rata privredno društvo Unis-Pobjeda d.d. Goražde je podijeljeno Odlukom Upravnog odbora od 4. april 1998.godine podijeljeno na tri firme Unis-„Ginex“ d.j.l. Goražde, Unis-„Pobjeda“ d.d. Goražde i Unis-„Gomas d.d.“ Goražde.

Dana 30. juna 2003. godine donesena je Odluka Skupštine društva od podjeli „Pobjeda“ d.d. Goražde na dva nova dionička društva i to Pobjeda-Rudet d.d. Goražde te Pobjeda-Sport d.d. Goražde.

Rješenjem Kantonalnog suda Goražde, broj: UF:I-60/03 od 31. jula 2003. godina izvršen je upis u sudski registar dioničkog društva za proizvodnju i promet proizvoda za rudarstvo Pobjeda-Rudet d.d. Goražde i od tada Društvo samostalno posluje.

Prema standardnoj klasifikaciji djelatnosti Društvo je razvrstano u podrazred – Proizvodnja eksploziva i bavi se proizvodnjom:

- električnih detonatora,
- rudarskih kapisli,
- neelektričnih detonatora.

Na dan 31. decembra 2015. godine, Društvo je zapošljavalo 222 uposlenika (31. decembra 2014.: 241).

#### Uprava

Muhamed Hubanić	Direktor od 23. maja 2015.
Esad Hodžić	Izvršni direktor Sektora ekonomskih, kadrovskih i pravih poslova od 23. maja 2015.
Memsud Popović	Izvršni direktor Sektora proizvodnje i razvoja od 23. maja 2015.
Hasan Đozo	Direktor do 23. maja 2015.
Rijad Raščić	Izvršni direktor za razvoj, investicije i osiguranje kvaliteta do 23. maja 2015.
Safet Džafović	Izvršni direktor za proizvodnju do 23. maja 2015.

Muhamed Hubanić	Izvršni direktor komercijalnih poslova do 23. maja 2015.
Esad Hodžić	Izvršni direktor za ekonomske i kadrovske, opće i pravne poslove do 23. maja 2015.

#### Nadzorni odbor

Hakan Kirlioglu	Predsjednik od 23. maja 2015.
Feride Kirlioglu	Član od 23. maja 2015.
Hulya Kirlioglu	Član od 23. maja 2015.
Mehmet Siner	Član od 23. maja 2015.
Hasan Tafro	Član od 23. maja 2015.

Zijad Deljo	Predsjednik do 23. maja 2015.
Hakan Kirlioglu	Član do 23. maja 2015.
Hasan Tafro	Član do 23. maja 2015.
Elma Badnjević	Član do 23. maja 2015.
Enver Pršeš	Član do 23. maja 2015.

## 1. OPŠTI PODACI (NASTAVAK)

### Odbor za reviziju

Ali Aktas	Predsjednik od 23. maja 2015.
Suad Suljić	Član od 23. maja 2015.
Elma Badnjević	Član od 23. maja 2015.
Mirza Raščić	Predsjednik do 23. maja 2015.
Belma Hasečić	Član do 23. maja 2015.
Midhat Oković	Član do 23. maja 2015.

## 2. PREGLED TEMELJNIH RAČUNOVODSTVENIH POLITIKA

### Izjava o usklađenosti

Finansijski izvještaji pripremljeni su u skladu sa zakonskim okvirom finansijskog izvještavanja u Federaciji Bosne i Hercegovine.

Zakonski okvir finansijskog izvještavanja uključuje Zakon o računovodstvu i reviziji FBiH („Službene novine FBiH“, broj 83/09) i računovodstvene standarde koji se primjenjuju u FBiH, a koji su objavljeni od strane Saveza računovođa, revizora i finansijskih radnika u FBiH (na osnovu ovlaštenja Komisije za računovodstvo i reviziju BiH, broj 5/07).

### Osnova prezentiranja

Ovi finansijski izvještaji pripremljeni su po načelu historijskog troška, izuzev određenih finansijskih instrumenata koji su iskazani u revaloriziranim iznosima ili fer vrijednosti na kraju svakog izvještajnog perioda, kao što je objašnjeno u politikama ispod.

Historijski trošak se uglavnom temelji na fer vrijednosti naknade date u zamjenu za imovinu.

Finansijski izvještaji prezentirani su u konvertibilnim markama (KM), obzirom da je to valuta u kojoj je iskazana većina poslovnih događaja Društva. Konvertibilna marka je fiksno vezana za euro (1 EUR = 1,95583 KM).

Sastavljanje finansijskih izvještaja u skladu sa zakonskim okvirom finansijskog izvještavanja u Federaciji Bosne i Hercegovine, zahtijeva od Uprave korištenje prosudbi, procjena i pretpostavki koje utječu na primjenu računovodstvenih politika, te objavljene iznose imovine, obaveza, prihoda i rashoda. Stvarni rezultati mogu biti različiti od tih procjena.

Procjene i povezane pretpostavke redovno se pregledaju. Promjene računovodstvenih procjena priznaju se u periodu u kojem su procjene promijenjene, te eventualno budućim periodima, ako utiču i na njih.

Informacije o područjima sa značajnom neizvjesnošću u procjenama i kritičnim prosuđivanjima u primjeni računovodstvenih politika, koje imaju najznačajniji uticaj na iznose objavljene u ovim finansijskim izvještajima, objavljene su u Napomeni 3.

### Priznavanje prihoda

Prihodi se priznaju kada postoji vjerovatnoća da će ekonomske koristi povezane s transakcijom ući u Društvo i kad se iznos prihoda može pouzdano mjeriti. Prihodi od prodaje priznaju se prilikom prodaje proizvoda i prenosa vlasništva. Prihodi od prodaje usluga priznaju se na osnovu neto vrijednosti poslije poreza i ostalih umanjenja nakon pružanja usluge.

Prihodi od kamata priznaju se po načelu obračunatih kamata na temelju nepodmirene glavnice i po efektivnim kamatnim stopama koje su u primjeni.

Pobjeda-Rudet d.d. Goražde

Napomene uz finansijske izvještaje  
za godinu koja je završila 31. decembra 2015.

*(Svi iznosi izraženi su u hiljadama KM, osim ukoliko nije drugačije naznačeno)*

---

## **2. PREGLED TEMELJNIH RAČUNOVODSTVENIH POLITIKA (NASTAVAK)**

### **Strane valute**

Poslovni događaji koji nisu u konvertibilnim markama početno se knjiže preračunavanjem po važećem kursu na datum transakcije. Monetarna imovina i obaveze iskazani u stranim valutama ponovno se preračunavaju na datum izvještajnog perioda primjenom kursa Centralne banke Bosne i Hercegovine važećeg na taj datum. Dobici i gubici nastali preračunavanjem iskazuju se u okviru izvještaja o bilansu uspjeha i ostaloj sveobuhvatnoj dobiti za period u kojem su nastali.

### **Naknade zaposlenim**

U ime svojih zaposlenika, Društvo plaća porez na dohodak, kao i doprinose za penziona, invalidsko, zdravstveno i osiguranje od nezaposlenosti, na i iz plate, koji su obračunavaju po zakonskim stopama tokom godine na bruto platu. Društvo plaća navedeni porez i doprinose u korist institucija Federacije Bosne i Hercegovine, na federalnom i kantonalnom nivou. Nadalje, topli obrok, prijevoz sa/na posao i regres su plaćeni u skladu sa domaćim zakonskim propisima. Društvo priznaje troškove otpremnine prema zaposlenima kada se isplate.

Ovi troškovi su prikazani u izvještaju o bilansu uspjeha i ostaloj sveobuhvatnoj dobiti u periodu u kojem su nastali troškovi plata.

#### *Otpremnine za odlazak u penziju*

U skladu sa lokalnim zakonima, Društvo je obavezno isplatiti otpremninu za odlazak u penziju u iznosu od minimalno 3 prosječne plate Federacije Bosne i Hercegovine, prema posljednjim podacima Federalnog Zavoda za statistiku.

### **Troškovi posuđivanja**

Troškovi posuđivanja priznaju se u izvještaju o bilansu uspjeha i ostaloj sveobuhvatnoj dobiti u periodu u kojem su nastali.

### **Oporezivanje**

Poreski rashod s temelja poreza na dobit jest zbirni iznos tekuće poreske obaveze i odgođenih poreza.

Tekuća poreska obaveza temelji se na oporezivoj dobiti za godinu. Oporeziva dobit razlikuje se od neto dobiti perioda iskazanoj u izvještaju o bilansu uspjeha i ostaloj sveobuhvatnoj dobiti jer ne uključuje stavke prihoda i rashoda koje su oporezive ili neoporezive u drugim godinama, kao i stavke koje nikada nisu oporezive ni odbitne. Tekuća poreska obaveza Društva izračunava se primjenom poreskih stopa koje su na snazi, odnosno u postupku donošenja na datum izvještajnog perioda.

Odgođeni porez jest iznos za koji se očekuje da će po njemu nastati obaveza ili povrat na osnovu razlike između knjigovodstvene vrijednosti imovine i obaveza u finansijskim izvještajima i pripadajuće poreske osnovice koja se koristi za izračunavanje oporezive dobiti, a obračunava se metodom bilansne obaveze. Odgođene poreske obaveze općenito se priznaju za sve oporezive privremene razlike, a odgođena poreska imovina se priznaje u onoj mjeri u kojoj je vjerovatno da će biti raspoloživa oporeziva dobit na temelju koje je moguće iskoristiti odbitne privremene razlike koje se odbijaju.

## 2. PREGLED TEMELJNIH RAČUNOVODSTVENIH POLITIKA (NASTAVAK)

### Oporezivanje (nastavak)

Knjigovodstveni iznos odgođene poreske imovine provjerava se na svaki datum izvještajnog perioda i umanjuje u onoj mjeri u kojoj više nije vjerovatno da će biti raspoloživ dostatan iznos oporezive dobiti za povrat cijelog ili dijela poreske imovine. Odgođeni porez obračunava se po poreskim stopama za koje se očekuje da će biti u primjeni u periodu u kojem će doći do podmirenja obaveze ili realizacije imovine. Odgođeni porez knjiži se na teret ili u korist izvještaja o bilansu uspjeha i ostaloj sveobuhvatnoj dobiti, osim ako se ne odnosi na stavke koje se knjiže direktno u korist ili na teret kapitala, u kom slučaju se odgođeni porez također iskazuje u okviru kapitala.

Odgođena poreska imovina i obaveze se prebijaju ako se odnose na poreze na dobit koje je nametnula ista poreska vlast i ako Društvo namjerava podmiriti svoju tekuću poresku imovinu i obaveze na neto osnovi.

### Materijalna imovina

Materijalna imovina početno se iskazuje po trošku nabavke umanjenom za ispravku vrijednosti i akumulirane gubitke od umanjenja vrijednosti. Trošak nabavke obuhvata nabavnu cijenu i sve troškove direktno povezane s dovođenjem sredstva u radno stanje za namjeravanu upotrebu. Troškovi tekućeg održavanja i popravaka, zamjene, te investicionog održavanja manjeg obima priznaju se kao rashod kad su nastali.

Imovina u izgradnji, koja se gradi u svrhu pružanja usluga ili administrativne svrhe, iskazana je po trošku nabavke umanjenom za eventualne gubitke od umanjenja. Trošak nabavke uključuje i profesionalne naknade, te, za kvalificirana sredstva, troškove pozajmljivanja kapitalizirane u skladu sa računovodstvenom politikom Društva. Takva imovina se reklasifikuje na odgovarajuće kategorije materijalne imovine nakon što je dovršena i spremna za namjeravanu upotrebu.

Dobici i gubici temeljem rashodovanja ili otuđenja dugotrajne materijalne imovine priznaju se u izvještaju o bilansu uspjeha i ostaloj sveobuhvatnoj dobiti u periodu u kojem su nastali.

Obračun amortizacije započinje u trenutku u kojem je sredstvo spremno za namjeravanu upotrebu. Amortizacija se obračunava linearnom metodom na temelju procijenjenog vijeka upotrebe sredstva, kao što slijedi:

Građevinski objekti	20 do 77 godina	1,3%-5%
Mašine i oprema	5 do 14 godina	7%-20%

### Nematerijalna imovina

Nematerijalna imovina početno se mjeri po trošku nabavke i amortizuje se linearno tokom procijenjenog vijeka upotrebe. Amortizacija se obračunava linearnom metodom na temelju procijenjenog vijeka upotrebe sredstva, kao što slijedi:

Software	5 godina	20%
Tehnološka dokumentacija	5 godina	20%

### Novac i novčani ekvivalenti

Novac i novčani ekvivalenti sastoje se od novca, depozita po viđenju i kratkoročnih, visoko likvidnih ulaganja koja se mogu trenutno pretvoriti u poznati iznos novca sa dospijanjem do tri mjeseca ili kraće i koji nisu podložni riziku promjene vrijednosti.

## 2. PREGLED TEMELJNIH RAČUNOVODSTVENIH POLITIKA (NASTAVAK)

### Zalihe

Zalihe se iskazuju po trošku ili neto prodajnoj vrijednosti, zavisno o tome šta je niže. Trošak obuhvata direktne troškove materijala i, gdje je primjenjivo, direktne troškove rada i sve režijske / indirektne troškove povezane s dovođenjem zaliha do njihove sadašnje lokacije i u sadašnje stanje. Trošak se utvrđuje primjenom metode prosječnog ponderisanog troška. Neto prodajna vrijednost predstavlja očekivanu prodajnu cijenu umanjenu za sve očekivane troškove proizvodnje, marketinga, prodaje i distribucije.

### Finansijski instrumenti

Finansijska imovina i finansijske obaveze se priznaju kada Društvo postane ugovorna strana u ugovoru vezanom za finansijski instrument.

Finansijska imovina i obaveze inicijalno se priznaju po fer vrijednosti uvećani za transakcijske troškove, koji se mogu direktno pripisati sticanju, odnosno izdavanju, izuzev za finansijsku imovinu i finansijske obaveze po fer vrijednosti kroz bilans uspjeha. Transakcijski troškovi koji su direktno pripisivi sticanju finansijske imovine, odnosno nastanku finansijske obaveze (izuzev finansijske imovine i finansijskih obaveza po fer vrijednosti kroz bilans uspjeha), dodaju se, odnosno oduzimaju, od fer vrijednosti finansijske imovine, odnosno finansijskih obaveza, pri početnom priznavanju. Transakcijski troškovi koji su direktno pripisivi sticanju finansijske imovine i finansijskih obaveza po fer vrijednosti kroz bilans uspjeha odmah se priznaju u izvještaju o bilansu uspjeha i ostaloj sveobuhvatnoj dobiti.

### Finansijska imovina

Finansijska imovina se priznaje, odnosno prestaje priznavati na datum trgovanja kad je kupoprodaja imovine definirana ugovorenim datumom isporuke finansijske imovine u rokovima utvrđenima u skladu konvencijama na predmetnom tržištu.

Finansijska imovina je klasifikovana u sljedeće kategorije: "po fer vrijednost kroz bilans uspjeha", "koja se drži do dospjeća", "raspoloživa za prodaju" i "kredit i potraživanja".

Klasifikacija finansijske imovine ovisi o prirodi i svrsi finansijske imovine i određena je u trenutku inicijalnog prepoznavanja.

#### *Metoda efektivne kamatne stope*

Metoda efektivne kamatne stope je metoda izračuna amortizovanog troška finansijske imovine i raspoređivanja prihoda od kamata tokom određenog perioda.

Efektivna kamatna stopa je kamatna stopa koja tačno diskontuje buduća novčana primanja (uključujući sve naknade za plaćene i primljene stavke koje čine integralni dio efektivne kamatne stope, troškova transakcije i ostalih premija ili popusta) kroz očekivani vijek trajanja finansijske imovine, ili gdje je to moguće, kraćeg perioda.

Prihodi se priznaju na bazi efektivne kamate stope za finansijske instrumente: "kredit i potraživanja".

## 2. PREGLED TEMELJNIH RAČUNOVODSTVENIH POLITIKA (NASTAVAK)

### Finansijska imovina (nastavak)

#### *Kredit i potraživanja*

Potraživanja od kupaca, krediti i ostala potraživanja sa fiksnim ili odredivim plaćanjima koja ne kotiraju na aktivnom tržištu klasifikuju se kao krediti i potraživanja. Krediti i potraživanja mjere se po amortizovanom trošku primjenom metode efektivne kamatne stope, umanjeno za procijenjeno umanjeње vrijednosti.

Prihod od kamate se priznaje primjenom efektivne kamatne stope, osim u slučaju kratkoročnih potraživanja, gdje bi priznavanje prihoda bilo nematerijalno.

#### *Umanjenja finansijske imovine*

Finansijska imovina je procijenjena za indikatore umanjenja na svaki datum izvještajnog perioda. Finansijska imovina je umanjena tamo gdje je dokazano da, kao rezultat jednog ili više događaja koji su se desili nakon početnog priznavanja finansijske imovine, procijenjeni budući novčani tokovi investicije su izmijenjeni.

Objektivan dokaz umanjenja može uključiti:

- značajne finansijske teškoće izdavaoca ili korisnika; ili
- propust ili delinkvencija u otplati kamate ili glavnice; ili
- mogućnost da će dužnik pasti pod stečaj ili finansijsku reorganizaciju.

Za finansijsku imovinu iskazanu po amortizovanom trošku, iznos umanjenja je razlika između knjigovodstvene vrijednosti imovine i sadašnje vrijednosti procijenjenih budućih novčanih tokova, diskontovanih koristeći originalnu efektivnu kamatnu stopu finansijske imovine.

Knjigovodstvena vrijednost finansijske imovine je umanjena za gubitke umanjenja direktno za svu finansijsku imovinu osim za potraživanja gdje je knjigovodstvena vrijednost umanjena kroz upotrebu rezervacija za umanjeње vrijednosti. Kada nije moguće naplatiti potraživanja od kupaca, onda su ista otpisana na teret rezervacije za umanjeње vrijednosti. Naknadni povrat iznosa koji su prethodno otpisani se oprihoduje u korist rezervacije za umanjeње vrijednosti. Promjene u knjigovodstvenoj vrijednosti rezervacije za umanjeње vrijednosti evidentiraju se u izvještaju o bilansu uspjeha i ostaloj sveobuhvatnoj dobiti.

Ako se u sljedećem periodu iznos gubitka od umanjenja smanji i smanjenje se objektivno može povezati sa događajem koji je nastao nakon priznavanja umanjenja vrijednosti prethodno priznati gubitak od umanjenja vrijednosti se ispravlja kroz izvještaj o bilansu uspjeha i ostaloj sveobuhvatnoj dobiti u mjeri koja neće rezultirati knjigovodstvenim iznosom većim nego što bi bio amortizovani trošak da nije došlo do priznavanja umanjenja vrijednosti na datum kada je umanjeње vrijednosti ispravljeno.

#### *Prestanak priznavanja finansijske imovine*

Društvo prestaje priznavati finansijsku imovinu samo kada ugovorna prava na novčane tokove od finansijske imovine isteknu; ili ako prenese finansijsku imovinu, pa samim tim i sve rizike i nagrade od vlasništva imovine na drugi subjekt. Ako Društvo ne prenese, niti zadrži suštinski sve rizike i povrate od vlasništva i zadrži kontrolu nad finansijskom imovinom, Društvo nastavlja da priznaje finansijsku imovinu.

## **2. PREGLED TEMELJNIH RAČUNOVODSTVENIH POLITIKA (NASTAVAK)**

### **Finansijske obaveze**

Finansijske obaveze klasifikuju se kao "finansijske obaveze po fer vrijednosti kroz bilans uspjeha" ili "ostale finansijske obaveze". Društvo stvara samo jednu kategoriju finansijskih obaveza za koju je računovodstvena osnova prikazano kako slijedi.

#### *Ostale finansijske obaveze*

Ostale finansijske obaveze, uključujući i obaveze po kreditima, se početno priznaju po fer vrijednosti, umanjenoj za transakcijske troškove.

Ostale finansijske obaveze su naknadno mjerene po amortiziranom trošku koristeći metodu efektivne kamatne stope.

Metoda efektivne kamate je metoda izračunavanja troškova amortizacije finansijske obaveze i određivanja troška kamate za relevantni period. Efektivna kamatna stopa je stopa koja tačno diskontuje procijenjena buduća plaćanja u gotovini kroz očekivano trajanje finansijske obaveze, ili, gdje je to moguće, u kraćem periodu.

#### *Prestanak priznavanja finansijske obaveze*

Društvo prestaje priznavati finansijsku obavezu kada, i samo kada, su obaveze Društva prestale, otkazane ili ističu.

## **3. KLJUČNE RAČUNOVODSTVENE PROCJENE I KLJUČNI IZVORI PROCJENE NEIZVJESNOSTI**

Kod primjene računovodstvenih politika, opisanih u Napomeni 2., Uprava Društva donosi odluke, te daje procjene i pretpostavke koje utiču na knjigovodstvenu vrijednost imovine i obveza, koji se ne mogu izvesti iz ostalih izvora. Procjene i pretpostavke zasnivaju se na prijašnjem iskustvu i ostalim relevantnim faktorima. Stvarni iznosi mogu se razlikovati od procijenjenih.

Procjene i pretpostavke se stalno preispituju. Izmjene knjigovodstvenih procjena priznaju se u periodu izmjene ukoliko se odnose samo na taj period, ili u periodu izmjene i budućim periodima ukoliko izmjena utiče na tekuće i buduće periode.

### **Ključni izvori neizvjesnosti procjene**

Slijedeće su ključne pretpostavke vezane za budućnost i drugi ključni izvori procjena neizvjesnosti na datum izvještajnog perioda, koji imaju značajan rizik materijalnih usklađenja knjigovodstvenog iznosa imovine i obveza u slijedećoj finansijskoj godini.

#### ***Korisni vijek upotrebe nekretnina, postrojenja i opreme***

Kao što je opisano u Napomeni 2., Društvo procjenjuje korisni vijek upotrebe nekretnina, postrojenja i opreme krajem svakog godišnjeg perioda izvještavanja.

#### ***Rezervisanja za sudske sporove***

Iznos priznat kao rezervisanje za sudske sporove jeste najbolja procjena iznosa kojim se mogu pokriti sadašnje obaveze na datum izvještajnog perioda, kada je vjerovatnoća da će se zatražiti izmirenje obaveze veća prije nego da neće.



Pobjeda-Rudet d.d. Goražde

Napomene uz finansijske izvještaje  
za godinu koja je završila 31. decembra 2015.

(Svi iznosi izraženi su u hiljadama KM, osim ukoliko nije drugačije naznačeno)

**4. PRIHODI OD PRODAJE**

	<b>2015.</b>	<b>2014.</b>
Prihodi od gotovih proizvoda – inostrano tržište	6.968	7.257
Prihodi od gotovih proizvoda – domaće tržište	2.677	2.951
Prodaja robe	87	64
Ostalo	26	25
	<b>9.758</b>	<b>10.297</b>

**5. OSTALI OPERATIVNI PRIHODI**

	<b>2015.</b>	<b>2014.</b>
Usklađenje vrijednosti obveznica (Napomena 13.)	84	69
Prihod od prodaje zaliha	62	73
Naplaćena otpisana potraživanja (Napomena 16.)	61	7
Odgođeni prihod	31	20
Prihod od prodaje stalnih sredstava	13	-
Prihod od prodaje dionica	1	-
Otpisane obaveze	1	47
Prihodi od usluga	1	1
Prihod od dividende	-	27
Ostali prihodi	50	59
	<b>304</b>	<b>303</b>

**6. OPERATIVNI TROŠKOVI**

	<b>2015.</b>	<b>2014.</b>
Bruto plate zaposlenika	3.946	3.993
Ostali troškovi zaposlenika	695	651
Troškovi održavanja	307	191
Usluge	251	130
Troškovi članova odbora i ugovora o djelu	283	201
Energija	270	256
Transportni troškovi	199	213
Troškovi zaštite	147	143
Premije osiguranja	115	128
Porezi i ostale naknade	86	80
Reprezentacija	62	69
Rezervni dijelovi	51	29
Telekomunikacije	35	23
Bankarske usluge	34	34
Reklama i marketing	13	13
Ostali operativni troškovi	11	6
	<b>6.505</b>	<b>6.160</b>

Pobjeda-Rudet d.d. Goražde

Napomene uz finansijske izvještaje  
za godinu koja je završila 31. decembra 2015.

(Svi iznosi izraženi su u hiljadama KM, osim ukoliko nije drugačije naznačeno)

**7. OSTALI OPERATIVNI RASHODI**

	<b>2015.</b>	<b>2014.</b>
Troškovi prodaje i rashodovanja sirovina i materijala	49	68
Donacije	46	32
Rashodi iz ranijih perioda	46	17
Umanjenje vrijednosti potraživanja (Napomena 16.)	4	8
Manjkovi zaliha	2	-
Gubici od prodaje materijalne imovine	-	13
Ostalo	1	3
	<u>148</u>	<u>141</u>

**8. FINANSIJSKI PRIHODI**

	<b>2015.</b>	<b>2014.</b>
Prihod od kamata na obveznicu FBiH (Napomena 13.)	36	36
Prihod od kamata na depozit od banaka	4	31
Prihod od kamata po ugovoru o pozajmici	-	5
	<u>40</u>	<u>72</u>

**9. POREZ NA DOBIT**

Usklađenje oporezive dobiti iskazane u poreznom bilansu sa računovodstvenom dobiti može se prikazati kako slijedi:

	<b>2015.</b>	<b>2014.</b>
<b>Dobit prije oporezivanja</b>	<b>447</b>	<b>1.529</b>
Porez na dobit za godinu - 10%	45	153
Učinak porezno nepriznatih rashoda	4	3
Iskorišteni porezni gubici	(49)	(156)
<b>Porez na dobit</b>	<u>-</u>	<u>-</u>
<b>Efektivna stopa poreza na dobit za godinu</b>	<u>-</u>	<u>-</u>

**10. DOBIT PO DIONICI U KM**

	<b>2015.</b>	<b>2014.</b>
Neto dobit (u KM)	447.320	1.529.316
Ponderisani prosječni broj redovnih dionica za izračunavanje dobiti po dionici	<u>321.530</u>	<u>321.530</u>
<b>Osnovna zarada po dionici (u KM)</b>	<u>1,39</u>	<u>4,76</u>

Pobjeda-Rudet d.d. Gorazde

Napomene uz finansijske izvještaje  
za godinu koja je završila 31. decembra 2015.

(Svi iznosi izraženi su u hiljadama KM, osim ukoliko nije drugačije naznačeno)

**11. MATERIJALNA I NEMATERIJALNA IMOVINA**

**NABAVNA VRIJEDNOST**

**Na dan 31. decembra 2013.**

Povećanja

Smanjenja

Prenosi (sa) / na

**Na dan 31. decembra 2014.**

Povećanja

Smanjenja

Prenosi (sa) / na

**Na dan 31. decembra 2015.**

**ISPRAVKA VRIJEDNOSTI**

**Na dan 31. decembra 2013.**

Amortizacija za godinu

Smanjenja

**Na dan 31. decembra 2014.**

Amortizacija za godinu

Smanjenja

**Na dan 31. decembra 2015.**

**NETO KNJIGOVODSTVENA VRIJEDNOST**

**Na dan 31. decembra 2015.**

**Na dan 31. decembra 2014.**

	Zemljište	Zgrade	Pogrojenja i oprema	Investicije u toku	Nematerijalna imovina	Ukupno
<b>Na dan 31. decembra 2013.</b>	<b>1.375</b>	<b>10.034</b>	<b>5.442</b>	<b>880</b>	<b>533</b>	<b>18.264</b>
Povećanja	-	-	-	305	133	438
Smanjenja	-	-	(111)	-	-	(111)
Prenosi (sa) / na	-	-	767	(767)	-	-
<b>Na dan 31. decembra 2014.</b>	<b>1.375</b>	<b>10.034</b>	<b>6.098</b>	<b>418</b>	<b>666</b>	<b>18.591</b>
Povećanja	-	-	-	1.064	58	1.122
Smanjenja	-	-	(147)	-	-	(147)
Prenosi (sa) / na	-	38	279	(317)	-	-
<b>Na dan 31. decembra 2015.</b>	<b>1.375</b>	<b>10.072</b>	<b>6.230</b>	<b>1.165</b>	<b>724</b>	<b>19.566</b>
<b>ISPRAVKA VRIJEDNOSTI</b>						
<b>Na dan 31. decembra 2013.</b>	-	<b>7.060</b>	<b>4.331</b>	-	<b>488</b>	<b>11.879</b>
Amortizacija za godinu	-	163	296	-	20	479
Smanjenja	-	-	(90)	-	-	(90)
<b>Na dan 31. decembra 2014.</b>	-	<b>7.223</b>	<b>4.537</b>	-	<b>508</b>	<b>12.268</b>
Amortizacija za godinu	-	161	308	-	39	508
Smanjenja	-	-	(147)	-	-	(147)
<b>Na dan 31. decembra 2015.</b>	-	<b>7.384</b>	<b>4.698</b>	-	<b>547</b>	<b>12.629</b>
<b>NETO KNJIGOVODSTVENA VRIJEDNOST</b>						
<b>Na dan 31. decembra 2015.</b>	<b>1.375</b>	<b>2.688</b>	<b>1.532</b>	<b>1.165</b>	<b>177</b>	<b>6.937</b>
<b>Na dan 31. decembra 2014.</b>	<b>1.375</b>	<b>2.811</b>	<b>1.561</b>	<b>418</b>	<b>158</b>	<b>6.323</b>

**12. ULAGANJA**

Ulaganja se odnose na udio u kapitalu društva Pobjeda-Sigurnost d.o.o. Goražde. Prema Sudskom rješenju broj 045-0-Reg-13-000051 od 15. jula 2013.godine udio Društva u ovom ulaganju je 100% i to u iznosu od 123.172 KM što predstavlja osnivački kapital Društva. Osnovna djelatnost ovog društva je pružanje usluga privatne zaštite. Konsolidacija zavisnog društva nije provedena jer se isto smatra nematerijalnim.

**13. FINANSIJSKA IMOVINA KOJA SE DRŽI DO DOSPIJEĆA**

	31. decembar 2015.	31. decembar 2014.
<b>Obveznice:</b>		
Vlada Federacije Bosne i Hercegovine – FBIHK1A (krajnje dospijeće 30. juni 2019., godišnja kamata 2,5%)	201	174
Vlada Federacije Bosne i Hercegovine – FBIHK1B (krajnje dospijeće 30. juni 2020., godišnja kamata 2,5%)	152	132
Vlada Federacije Bosne i Hercegovine – FBIHK1C (krajnje dospijeće 30. juni 2021., godišnja kamata 2,5%)	120	105
Vlada Federacije Bosne i Hercegovine – FBIHK1D (krajnje dospijeće 30. juni 2022., godišnja kamata 2,5%)	108	96
Vlada Federacije Bosne i Hercegovine – FBIHK1E (krajnje dospijeće 30. juni 2023., godišnja kamata 2,5%)	97	87
	<b>678</b>	<b>594</b>

Promjene u finansijskoj imovini koja se drži do dospijeća su bile kako slijedi:

	2015.	2014.
<b>Stanje na početku godine</b>	<b>594</b>	<b>525</b>
Prihod od usklađenja vrijednosti (Napomena 5.)	84	69
Prihodi od kamate (Napomena 8.)	36	36
Naplaćena kamata	(36)	(36)
<b>Stanje na kraju godine</b>	<b>678</b>	<b>594</b>

**14. FINANSIJSKA IMOVINA RASPOLOŽIVA ZA PRODAJU**

Raspoloživa za prodaju	Osnovna djelatnost	Procenat vlasništva (%)	31. decembar 2015.	31. decembar 2014.
BOR banka d.d. Sarajevo	Bankarstvo	12,996%	2.956	2.629
			<b>2.956</b>	<b>2.629</b>

Društvo je imalo ulaganja u dionice koje su iskazane po fer procjenjenoj vrijednosti.

Promjene u finansijskoj imovini koja se drži raspoloživa za prodaju su bile kako slijedi:

	2015.	2014.
<b>Stanje na početku godine</b>	<b>2.629</b>	<b>1.367</b>
Nabavke	896	1.100
Otuđenje	(611)	-
Dobit iz promjene fer vrijednosti (prikazano kroz kapital)	49	172
Gubitak iz promjene fer vrijednosti (prikazano kroz kapital)	(7)	(10)
<b>Stanje na kraju godine</b>	<b>2.956</b>	<b>2.629</b>

**15. ZALIHE**

	<b>31. decembar 2015.</b>	<b>31. decembar 2014.</b>
Gotovi proizvodi	2.478	1.953
Sirovine	1.908	1.689
Poluproizvodi	355	389
Proizvodnja u toku	83	149
Rezervni dijelovi	14	14
Trgovačka roba	12	43
	<b>4.850</b>	<b>4.237</b>

**16. POTRAŽIVANJA OD KUPACA I OSTALA POTRAŽIVANJA**

	<b>31. decembar 2015.</b>	<b>31. decembar 2014.</b>
<b>Potraživanja od kupaca:</b>		
Potraživanja od kupaca - domaći	2.188	2.313
Potraživanja od kupaca - inostrani	1.238	1.368
<i>Umanjenje vrijednosti potraživanja</i>	<i>(140)</i>	<i>(197)</i>
	<b>3.286</b>	<b>3.484</b>
<b>Ostala potraživanja:</b>		
Potraživanja za PDV	117	73
Potraživanja od države	5	32
Razgraničeni troškovi	2	3
Ostala potraživanja	22	20
	<b>146</b>	<b>128</b>
	<b>3.432</b>	<b>3.612</b>

Kretanje umanjenja vrijednosti potraživanja se može prikazati kako slijedi:

	<b>2015.</b>	<b>2014.</b>
<b>Stanje na početku godine</b>	<b>197</b>	<b>250</b>
Povećanje (Napomena 7.)	4	8
Smanjenje usljed naplate (Napomena 5.)	(61)	(7)
Otpisi potraživanja	-	(54)
<b>Stanje na kraju godine</b>	<b>140</b>	<b>197</b>

**16. POTRAŽIVANJA OD KUPACA I OSTALA POTRAŽIVANJA (NASTAVAK)**

Starosna struktura potraživanja od kupaca može biti prikazana kako slijedi:

	31. decembar 2015.	31. decembar 2014.
0 – 30 dana	390	632
31 – 90 dana	815	851
91 – 180 dana	890	844
181 – 365 dana	692	407
Preko 365 dana	499	750
	<b>3.286</b>	<b>3.484</b>

Prosječan period naplate je 123 dana (2014.: 123 dana). Ne obračunava se zatezna kamata kupcima koji kasne sa plaćanjem.

**17. NOVAC I NOVČANI EKVIVALENTI**

	31. decembar 2015.	31. decembar 2014.
Novac na računima kod banaka – strane valute	1.557	760
Novac na računima kod banaka – domaće valute	63	550
Depoziti	-	782
Biznis kartice	-	2
	<b>1.620</b>	<b>2.094</b>

**18. VLASNIČKI KAPITAL**

	31. decembar 2015.	31. decembar 2014.
Ukupno 321.530 redovnih dionica nominalne vrijednosti 21,70 KM	6.977	6.977
	<b>6.977</b>	<b>6.977</b>

Struktura dioničkog kapitala na dan 31. decembra 2015. i 2014. godine može se prikazati kako slijedi:

	% učešća	31. decembar 2015.	% učešća	31. decembar 2014.
Kirioglu Kimya Sanayi ve Ticaret A.S.	59,50	4.151	20,00	1.395
Oković Halil	14,48	1.010	22,02	1.536
Tafro Hasan	11,65	813	11,65	813
Džaferović Safet	8,17	570	8,01	559
Ostali	6,20	433	38,32	2.674
	<b>100,00</b>	<b>6.977</b>	<b>100,00</b>	<b>6.977</b>

**19. OBAVEZE ZA KREDITE**

Društvo je u toku 2015. godine izmirilo sve obaveze za kamate uzete kod komercijalnih banaka.

	31. decembar 2015.	31. decembar 2014.
<b>Kratkoročni krediti</b>		
BOR banka d.d. Sarajevo (250,000 KM; kamatna stopa 7% godišnje; datum aktivacije kredita je 19. oktobar 2010. a dospjeće je 60 mjeseci)	-	48
Razvojna banka d.d. Sarajevo (300,000 KM; kamatna stopa 5%; datum aktivacije kredita je 13. april 2012. a dospjeće je 36 mjeseci)	-	33
	<u>-</u>	<u>81</u>

**20. OBAVEZE PREMA DOBAVLJAČIMA I OSTALE OBAVEZE**

	31. decembar 2015.	31. decembar 2014.
<b>Obaveze prema dobavljačima:</b>		
Obaveze prema dobavljačima u zemlji	781	351
Obaveze prema dobavljačima u inostranstvu	106	250
Obaveze prema povezanim stranama	23	15
	<u>910</u>	<u>616</u>
<b>Ostale obaveze:</b>		
Odgođeni prihod	793	643
Obaveze za primljene avanse	379	144
Obaveze prema zaposlenim	212	204
Obaveze za poreze i doprinose	147	155
Obračunati troškovi	43	37
Obaveze za naknade i takse	13	12
Ostale obaveze	4	-
	<u>1.591</u>	<u>1.195</u>
	<u>2.501</u>	<u>1.811</u>

Prosječan period plaćanja obaveza prema dobavljačima bio je 72 dana (2014.: 46 dana). Kamata se nije obračunavala u slučaju prekoračenja rokova plaćanja.

**21. TRANSAKCIJE S POVEZANIM STRANAMA**

Transakcije sa povezanim stranama se obavljaju u redovnom poslovanju, i prikazane su u fer iznosu za koji se razmjenjuju, što predstavlja iznos koji je dogovoren između povezanih strana.

	Prihodi		Troškovi / Nabavke	
	2015.	2014.	2015.	2014.
Kirlioglu Kimya Sanayi ve Ticaret A.S Turska	3.101	3.547	9	-
Pobjeda-Sigurnost d.o.o. Goražde	-	-	146	144
	<b>3.101</b>	<b>3.547</b>	<b>155</b>	<b>144</b>
	Potraživanja		Obaveze	
	31. decembar 2015.	31. decembar 2014.	31. decembar 2015.	31. decembar 2014.
Kirlioglu Kimya Sanayi ve Ticaret A.S Turska	-	-	9	-
Pobjeda-Sigurnost d.o.o. Goražde	-	-	14	15
	-	-	<b>23</b>	<b>15</b>

Članovima Uprave, Nadzornog odbora i Odbora za reviziju obračunate su tokom godine sljedeće naknade:

	31. decembar 2015.	31. decembar 2014.
Bruto plate članova Uprave	470	361
Bruto plate članovima Nadzornog odbora	143	141
Ostala primanja Uprave	9	8
	<b>622</b>	<b>510</b>



Pobjeda-Rudet d.d. Goražde  
Napomene uz finansijske izvještaje  
za godinu koja je završila 31. decembra 2015.

(Svi iznosi izraženi su u hiljadama KM, osim ukoliko nije drugačije naznačeno)

## 22. FINANSIJSKI INSTRUMENTI

### 22.1 Upravljanje kapitalnim rizikom

Društvo upravlja kapitalom na način da omogući nastavak poslovanja, nalazeći optimalni odnos duga i kapitala. Opća strategija Društva nije promijenjena u odnosu na 2014. godinu. Finansijska struktura Društva obuhvata vlasnički kapital i zadržanu dobit.

#### 22.1.1 Gearing (pokazatelji solventnosti)

Društvo očekuje da ispuni svoje obaveze iz operativnog novčanog toka i dobiti od dospjele finansijske imovine.

Koeficijent zaduženosti na kraju godine može se prikazati kako slijedi:

	31. decembar 2015.	31. decembar 2014.
Dug	-	81
Novac i novčani ekvivalenti	(1.620)	(2.094)
<b>Neto dug</b>	<b>(1.620)</b>	<b>(2.013)</b>
Kapital	18.471	17.982
<b>Neto koeficijent zaduženosti</b>	<b>(11,40)</b>	<b>(8,93)</b>

### 22.2 Kategorije finansijskih instrumenata

	31. decembar 2015.	31. decembar 2014.
<b>Finansijska imovina</b>		
Zajmovi i potraživanja (uključujući gotovinu i ekvivalente gotovine)	5.028	5.683
Finansijska imovina namjenjena prodaji	2.956	2.629
Finansijska imovina koja se drži do dospjeća	678	594
	<b>8.662</b>	<b>8.906</b>
<b>Finansijske obaveze</b>		
Po amortizovanom trošku	1.664	1.212
	<b>1.664</b>	<b>1.212</b>

### 22.3 Ciljevi upravljanja finansijskim rizikom

Računovodstveni odjel Društva pruža podršku u poslovanju, koordinira pristup domaćem i međunarodnim tržištima, nadgleda i upravlja finansijskim rizikom koji se odnosi na poslovanje Društva putem internih izvještaja o rizicima, koji uključuju analizu izloženosti po stupnju i magnitudi rizika. Rizici uključuju tržišni rizik (valutni rizik), kreditni rizik i rizik likvidnosti.

### 22.4 Tržišni rizik

Aktivnosti Društva su primarno izložene finansijskom riziku promjene kursa strane valute i kamatne stope. Izloženost tržišnom riziku se dopunjava analizom osjetljivosti. Nije bilo promjena u izloženosti Društva tržišnom riziku ili načinu na koji se upravlja i mjeri rizik.

## 22. FINANSIJSKI INSTRUMENTI (NASTAVAK)

### 22.5 Upravljanje valutnim rizikom

Društvo obavlja određene transakcije denominirane u stranim valutama, po osnovu kojih dolazi do izloženosti promjenama kursa stranih valuta. Izloženošću kursu valute se upravlja u okviru odobrenih parametara politika koji koriste terminske ugovore za strane valute.

Knjigovodstvena vrijednost novčanih sredstava i obaveza Društva denominiranih u stranoj valuti na dan izvještavanja je kako slijedi:

	Imovina		Obaveze	
	31. decembar 2015.	31. decembar 2014.	31. decembar 2015.	31. decembar 2014.
EUR	1.556	1.519	115	250
USD	-	24	-	-

#### 22.5.1 Analiza osjetljivosti strane valute

Društvo obavlja određene transakcije denominirane u EUR. Budući da je Konvertibilna marka (KM) vezana za EUR, Društvo nije izloženo riziku promjene kursa EUR-a.

Društvo rjeđe obavlja određene transakcije denominirane u USD te zbog toga Društvo nema značajnu osjetljivost na promjene kursa USD.

### 22.6 Upravljanje kamatnim rizikom

Društvo nije izloženo kamatnom riziku jer je u toku 2015. godine otplatio sve obaveze za kredite, a ne vrši plasiranje pozajmica.

### 22.7 Upravljanje kreditnim rizikom

Kreditni rizik odnosi se na rizik da druga strana neće ispuniti svoje ugovorne obveze što će rezultirati finansijskim gubitkom Društva. Društvo je usvojilo politiku da posluje samo sa kreditno pouzdanim strankama i da obezbijedi dovoljno kolaterala, gdje se pokaže kao potrebno, kao sredstvo za umanjeње rizika i finansijskih gubitaka.

Izloženost Društva i kreditni rejting klijenata se stalno nadgledaju, a ukupna vrijednost zaključenih transakcija je razdijeljena između odobrenih klijenata. Kreditna izloženost kontrolira se ograničenjima klijenata koje godišnje pregleda i odobrava Uprava.

Društvo nema značajnu izloženost kreditnom riziku ni prema jednom kupcu ili društvu kupaca koji imaju slične osobine. Društvo definira kupce da imaju slične osobine ako su povezana lica.

Knjigovodstvena vrijednost finansijske imovine prikazana u finansijskim izvještajima, umanjena za gubitke po osnovu umanjenja vrijednosti, predstavlja maksimalnu izloženost Društva kreditnom riziku.

### 22.8 Upravljanje rizikom likvidnosti

Krajnja odgovornost za upravljanje rizikom likvidnosti leži na Upravi Društva, koja je izgradila odgovarajući okvir za upravljanje rizikom likvidnosti sukladno kratkoročnim, srednjoročnim i dugoročnim potrebama za upravljanje likvidnošću. Društvo upravlja ovim rizikom održavanjem adekvatnih rezervi, finansiranjem putem banaka kao i ostalim izvorima finansiranja, time što konstantno nadgleda procijenjene i stvarne novčane tijekove i uspoređuje profile dospjeća finansijske imovine i obveza.

**22. FINANSIJSKI INSTRUMENTI (NASTAVAK)****22.8 Upravljanje rizikom likvidnosti (nastavak)***22.8.1 Tabele rizika likvidnosti i rizika kamatnih stopa*

Slijedeća tabela detaljno prikazuje preostala ugovorena dospijeca Društva za nederivativnu finansijsku imovinu. Tabela je načinjena na osnovu nediskontiranih novčanih tokova finansijske imovine uključujući i kamate na tu imovinu koje će biti zarađene osim na imovinu za koju Društvo očekuje da će se novčani tok pojaviti u drugom periodu.

*Dospijeca za nederivativnu finansijsku imovinu*

	Ponderirana prosječna efektivna kamatna stopa	Manje od 1 mjeseca	2 - 6 mjeseca	7 - 12 mjeseca	1 - 5 godina	Preko 5 godina	Ukupno
<b>31. decembar 2015.</b>							
Bez kamate	-	1.742	2.262	1.024	-	2.956	7.984
Instrumenti po fiksnoj kamatnoj stopi	2,50	-	-	36	798	838	1.672
<b>UKUPNO</b>		<b>1.742</b>	<b>2.262</b>	<b>1.060</b>	<b>798</b>	<b>3.794</b>	<b>9.656</b>
<b>31. decembar 2014.</b>							
Bez kamata	-	2.199	2.426	1.058	-	2.629	8.312
Instrumenti fiksne kamatne stope	2,50	-	-	36	495	1.177	1.708
<b>UKUPNO</b>		<b>2.199</b>	<b>2.426</b>	<b>1.094</b>	<b>495</b>	<b>3.806</b>	<b>10.020</b>

Slijedeće tabele detaljno prikazuju preostala ugovorena dospijeca Društva za nederivativne finansijske obaveze. Tabele su načinjene na osnovu nediskontiranih novčanih tokova finansijskih obaveza na osnovu najranijeg datuma na koji se od Društva može tražiti da plati.

*Dospijeca za nederivativne finansijske obaveze*

	Ponderirana prosječna efektivna kamatna stopa	Manje od 1 mjeseca	2 - 6 mjeseca	7 - 12 mjeseca	1 - 5 godina	Preko 5 godina	Ukupno
<b>31. decembar 2015.</b>							
Bez kamata	-	375	910	379	-	-	1.664
<b>UKUPNO</b>		<b>375</b>	<b>910</b>	<b>379</b>	<b>-</b>	<b>-</b>	<b>1.644</b>
<b>31. decembar 2014.</b>							
Bez kamata	-	371	616	144	-	-	1.131
Instrumenti fiksne kamatne stope	6,19	-	34	49	-	-	83
<b>UKUPNO</b>		<b>371</b>	<b>650</b>	<b>193</b>	<b>-</b>	<b>-</b>	<b>1.214</b>

Društvo očekuje da će ispuniti obaveze iz operativnih novčanih tokova i prilive od dospjelih finansijskih sredstava.

Pobjeda-Rudet d.d. Goražde


Napomene uz finansijske izvještaje  
za godinu koja je završila 31. decembra 2015.

*(Svi iznosi izraženi su u hiljadama KM, osim ukoliko nije drugačije naznačeno)*

---

### 23. ODOBRENJE FINANSIJSKIH IZVJEŠTAJA

Potpisano za i u ime Društva dana 17. maj 2016. godine:



Muhamed Hubanić  
Direktor

